

(1)

I.N.D.T.U.A.



Vantoperè isti mortalium, qui sibi privilegium
judicandi adepti videntur ac cacumen pruden-
tiæ conscendisse, id quod omnis prudentiæ
tam apex quàm fons dici meretur, hoc est, *Scripturam Sacram*, contemnant, & non secus ac
Gallus Æsopicus unionem hunc pretiosissimum
cum vili quovis grano permutent, clare appa-
ret ex horrendo *Angeli Politiani*, Canonici Flo-
rentini suo tempore famigeratissimi, effato;
quando ille, se *Biblia semel legisset*, dixit, & tem-
pus nunquam pejus collocasse; item: *Pindari odæ*
magis sibi quàm *Davidis Psalmos placere*, qua de

re videri potest *Lud. Vives Lib. 2. de Verit. fidei Christ.* ap. B. D. Reinb. Ba-
rium in *Comment. Exegetico - pratico Posthumo in Psal. Davidis p. 31. A.*
O indignum homine, qui Christianam profiteretur religionem, facinus! de
quo merito illud, quod in הפניניו מכחר asseritur, & ex eo in *Floril.*
Hebr. relatum est à *J. Buxt. fil.*, dici debet: כאשר יחשוב (אדם) שהגיע כל
לוא סכל (חכמה) תכליתה cum putat (homo) se ad finem ejus (scilicet
sapientiæ) pervenisse, stultus est! Christianum enim velle audire, & totius
Christianismi fundamentum penitus contemnere, quid aliud est, quàm
aquam haurire velle, & fontes omnes contegere atque negligere; qualia
facientem insanum quis potius proclamaret, quàm in admirationem ejus
gratia raperetur. Verum enim vero obdurati ita sunt impii mundi hujus
filii, ut detestabilem maxime, verissimam tamen eorum delineationem repe-
riamus in *Epistola Juda catholica v. 4.* sequentibus verbis: *Subreperunt qui-*
dam homines -- impij, qui Dēi nostri gratiam transferunt ad lasciviam & solum
illum herum Deum ac Dominum nostrum Jesum Christum negant. Item v. 10, 11,
12. *Isti, quacumq; non noverunt, vituperant: quacumq; verò naturaliter ut animan-*
tia rationis expertia sciunt, in istis sese corrumpunt. Va ipsis! Nam viam Cainē
ingressi sunt, & deceptione mercedis, qua deceptus fuit Balaam, effusi sunt, &
contradictione Cora perierunt. Hi sunt in Agapis vestris macula, dum vobiscum
convivunt, securè se ipsos pascentes, nubes aqua carentes, ventis circumactæ,
arbores emarcidæ, infrugifera, bis emortuæ, eradicatæ; undæ maris efferatæ,
despumantes sua ipsorum dea decora, stella erraticæ, quibus caligo tenebrarum
in æternum servata est. Quis miraretur, ejusmodi hominum monstra, quæ
nobis à *Juda* graphicè depinguntur, ac vitari sedulo ab eodem jubentur,
quæque, cum terrenis adeo delectentur tenebris, a suavissima cœli luce non
possunt non quàm maximè abesse, rationem suam, juxta *Pauli* monitum
2. Cor. X. 5. captivare nolle, ut potius, quæ rationis decempeda metiri
nequeunt, aspernentur ac risu excipiant? Conf. ea de re *Celeb. nostri Dn. D.*

A

Gra